

Guangjisi Minzcu Bau

ganhhau: CN45-0036 B.2015 Nd.5 Ng.13 liggaeuq ietfeih nienz ndwensam ngeihngux

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3173期

Sanglinz Yen Dangzhungz Yangh Siujhag-seng Doxdax Gangj Gojgaeq Vahcuengh

上林县塘红乡举办小学生讲壮语故事比赛

Geij ngoenz gonq, Sanglinz Yen Dangzhungz Yangh youq ndaw yangh Sizmwanz Siujyoz gawjbanh 2015 nienz siujhagseng doxdax aeu Vahcuengh byauhcuinj gangj gojgaeq hozdung.

Ciuq cam rox, baez doxdax neix daengx yangh gungh miz 7 aen yozyau 23 baux siujhagseng camgya. Youq doxdax seizde, Dangzhungz Cungsim Yozyau baux hagseng Moz

Yinzyez aeu Vahcuengh byauhcuinj, doenggvaq dungcoz lingzvued, miz sing miz yiengh dwk gangj gojgaeq 《Duzmoulwg Bizbiz》, ndaej baux-yawj bekwngz haenhndei, hix ndaej bingzveij hawj faen sang, aeundaej itdaengjciengj. Ciuq cam rox, baez doxdax neix gungh bingzok itdaengjciengj 7 baux, ngeihdaengjciengj 7 baux, samdaengjciengj 9 baux.

Doenggvaq doxdax gangj goj-

gaeq, mboujdanh hawj siujhagseng miz gizdieg baijok swheij, hawj gyoengqde gya maij Vahcuengh, lij hawj gij saedceij ndaw Cuengh Gun song saw vah yozyau engqgya fungfouq, hawj song saw vah gyauryuz lai miz fwnfeiz, coi Cuengh Gun song saw vah gyauryuz ndaej fazcanj gya'ndei.

(Lij Dauyungj/李道永 Fanz Yamingz/樊亚明)



Ningzmingz: Gienz Byaraiz Bauxcuengh "Dwk" Haeuj Hagdangz

宁明：壮族花山拳进校园

Bineix, Ningzmingz Yen youq gak cungh siuj yozyau doigvangq nem son' gyaug "gienz Byaraiz", hawj hagseng dwkgienz cangqndang, doengzseiz swncienz vwnzva Byaraiz, coengh vehdat Byaraiz sinhbau seiqgyaiq feihvuzciz vwnzva yizcanj. "Gienz Byaraiz" aeu gienzdaigizgenz guh giekdaj, gyahaeuj yiengh veh Byaraiz, comz miz cangqndang, fuengzndang, guhcaemz daengj cozyung. Ndaw doz dwg 5 nyied 6 hauh Ningzmingz Yen Cwngzcin Daih'it Cunghyoz 216 baux hagseng daenj ndangdaenj dwkgienz lienh dwk "gienz Byaraiz".

(Couh Yizgangh/周贻刚 ingj)

Lingzyinz Yen Minzcuzgiz Gawjbanh Aen Ban Son'gyauq Dinfwngz Guh Ndangdaenj Bonjmiz Saujsu Minzcuz

凌云县民族局举办少数民族传统服饰工艺培训班

5 nyied 5 hauh banhaet, Lingzyinz Yen Minzcuzgiz youq Swcwnz Cin Ginhbauj Lanzden Yauzcuz Cunh gawjbanh daih'it geiz beizyibanh son'gyauq dinfwngz guh ndangdaenj bonjmiz saujsu minzcuz, 60 lai baux yozyenz camgya, neix engq ndei dwk henhoh, swncienz,

fazcanj doenghgiij dinfwngz saujsu minzcuz.

Youq duenh guh beizyin, baux-swncienz vwnzva minzcuz heuhguh Cau Siyenz gangj nem guhyiengh hawj gyoengq yozyenz yawj baenzlawz guh sai hwet Lanzdenyauz. Doeng-gvaq yienhciengz fwngz gaem fwngz

son'gyauq, it dwg hawj yozyenz daezsang le minzcuz saenqsim; ngeih dwg gyalag roxyiuj gij yiij swncienz dinfwngz saujsu minzcuz; sam dwg daezsang naengzlig guh ndangdaenj saujsu minzcuz, dabdaengz le beizyin muzbyauh.

(Loz Caijginz/罗彩琴)

SIUSIK DINJ

简讯

● 5 nyied 9 hauh, Sanhgyangh Dungcu Swciyen Dungzloz Cunh Mbanjbingzhiz gawjbanh ciet gingq daxmeh daejniemh hozdung, doeng-gvaq daejniemh dajsiuq hozdung, hawj lwgnyez roxyiuj guhhong dwg-rengz, rox docih daxmeh, swncienz vwnzva minzcuz.

(Gunj Yicungh)

● 4 nyied 28 hauh, Liujgyangh Yen Sawcuengh Yozyau Fusuz Siujyoz gawjbanh ciet gijgwn heuhguh "gijgwn Bauxcuengh cungj buenx gou". Youq yienhciengz, hagseng bienqbaenz "lauxbanj", caeuq lauxsae doengzcae z guh gijgwn Bauxcuengh, hemq gai haeuxnaengj haj saek, ceizbyaek-ngaih, gijgwn soemj, saejlwed-haeuxcid daengj gyawj 20 yiengh gijgwn ndei Bauxcuengh.

(ciuq Cunghsinhvangi)

● Bineix, Gunghcwngz Yauzcuz Swciyen Gyahvei Yangh nungz-minz dauqranz cauxhong sifan dajndaem gihdi aeu "gunghsw + hozcozse + gihdi + nungzhoh" cungj fuengsik neix, doengjit dajndaem gvadiemz, moux canjciiz 7000 maenz baedauq, hawj 100 baux nungz-minzgungh dauqranz miz hong guh, hawj gyoengqde ndaej youq gyawj ranz guhhong, gyalai souhaeuj.

(Liengz Veih Se Yungjhwngz)

● 4 nyied 30 hauh, Liujcouh Si Minzveij ciuhai aen cujdiz yenz-daujvei aeu "hungzyangz minzcuz cingsaenz, swncienz minzcuz vwnzva" guh cawjdaez, cingj doenghboux lauxhangz yenzgiu vwnzva minzcuz, baux mizmingz saujsu minzcuz, daengx si minzveij hidungj, yinzda nem cwnghiez veijyenz nem doenghboux daiyauj bouhfaenh giyez, yozyau daengj gungh 40 lai vunz camgya.

(Yenz Cinzyinh)

● Gaenh bi daeuj, Lozcwnz Mulaujcuz Swciyen haenqrenz bangcoengh nungzminz ndaem gosangh ciengx nonsei. Dangqnaj, daengx yienh ndaem gosangh 5.9 fanh moux, 4 nyied ndawcib hainduj ndaej gai, moix goenggaen 38 maenz. Bi'gvaq aen yienh neix nungzminz ciengx nonsei souhaeuj 3.2 ik maenz.

(Mungz Cwnghsw)